



BASES DE FUNCIONAMENTO DOS POSTOS DE VENDA, TÓMBOLAS, CASETAS OU 'ATRACCIÓN'S' FESTAS DO CRISTO 2022.

I.- DE CANDO E DONDE SE CELEBRA

Art. 1.- As festas do Cristo 2022 celebraranse nas datas do 22 ata o 26 de setembro e os días 1 e 2 de outubro do 2022. Os postos de venda poderán estar abertos ao público de 10:00h a 02:30 h. Non se permitirá a apertura de ningún posto na rúa fóra do horario establecido.

Art. 2.- Os postos extenderanse polas seguintes rúas: Pío XII, Domingo Bueno, Avelino Villasuso, Servando Ramilo, Ramirás, Ramón González, Manuel Rodríguez, Praza Arquitecto Antonio Palacios e barrios de S. Benito e S. Sebastián e as '*atraccións*' naquelas ubicacións asignadas polo Concello.

Art. 3.- Non se permitirá o asentamento de ningún posto nin a venda ambulante de ningún produto fóra do recinto establecido pola organización.

II.- DOS POSTOS DE VENDA E 'ATRACCIÓN'S'

Art. 1.- Estableceranse catros clases de postos:

- a) Postos de venda de produtos varios.
- b) Postos de degustación e venda de comidas: son aqueles postos de venda de comidas e bebidas. A organización decidirá de forma excepcional a distribución dos postos de rosquillas.
- c) Establecementos privados: son aqueles establecementos coma tabernas, bares, bodegas, restaurantes, negocios de venda de produtos, con sede social no Porriño, que soliciten asentarse na vía pública diante do seu negocio. A organización só autorizará estes postos no caso de que non precise dese espazo e sempre e cando as condicións da rúa o permitan.
- d) Barracas, tómbolas, casetas para espectáculos ou atraccións.

Art. 2.- Os postos de comida que dispoñan de cociñas, bombonas, asadores, parrillas, brasas ou sustancias inflamables deberán estar protexidos, xa que poden supoñer un perigo para as persoas. Será obrigatorio para estes postos que contengan un extintor homologado, e en bó funcionamento de po seco de 6 k. Deberán tamén contar cun xerador de enerxía propio co fin de poder desenvolver a súa actividade. A organización non se fai responsable dos danos ocasionados por este tipo de instalacións.

Art. 3.- Todos os postos de degustación de comida e bebida deberán cumprir as normas básicas de seguridade e hixiene.





Concello do Porriño

Art. 4.- Todas aquelas persoas que manipulen alimentos ou bebidas estarán en posesión do carné de manipulador/a de alimentos.

Art. 5.- Todas as 'atraccións' deberán achegar a seguinte documentación:

- Fotocopia do DNI/NIE (persona física) ou CIF (empresa) do interesado, no segundo caso presentar documento que acredite a representación que ostenta, cando actúe como representante.
- Plano de situación indicando a ubicación exacta da reserva que se solicita a escala 1:100
- Poliza de seguro de responsabilidade civil e o último recibo de pago da mesma.
- Permiso da Delegación de Industria (I.T.V.) ou certificado.
- Permiso de enganche de enerxía eléctrica da empresa provedora.
- Recibo da Seguridade Social das persoas que traballen na atracción, montaxe, desmontaxe, mantemento e atención (TCS, Autónomos ou altas).
- Xustificante bancario de ter realizado o pago da autoliquidación.
- Unha vez aceptada a solicitude requirirase tamén informe expedido pola empresa autorizada (homologada) que exprese a correcta montaxe da atracción na parcela designada polo Concello do Porriño.

III.- DA SOLICITUDE DE PARTICIPACIÓN

Art. 1.- Prescricións: a solicitude de inscrición poderá descargarse na nosa páxina: <https://oporrino.org/> ou recollela no Concello do Porriño, dende o día seguinte a publicación destas bases ata o **15 de setembro**, en horario de 09:00 a 14:00 h.

Toda a documentación requirida será entregada no Rexistro do Concello do Porriño ou a través da sede electrónica deste Concello dende o día seguinte a publicación destas bases ata o **15 de setembro** en horario 09:00 h. a 14:00 h.

Art. 2.- Aceptacións: unha vez cumprimentada a solicitude facilitada e presentada a documentación requirida o **16** de setembro procederase a asignación da ubicación do posto; dita responsabilidade quedará a cargo do Concello.

Rematado o prazo de inscrición e confirmada a aceptación do posto, os/as interesados/as formalizarán o correspondente pago de taxas previsto na Ordenanza municipal en vigor no ORAL (Deputación Provincial de Pontevedra).

Queda totalmente prohibido o aluguer ou cesión a terceiros dos postos/espazos asignados.

Art. 3.- Taxas: a ordenanza reguladora da taxa por instalación de postos ambulantes situados en terreo públicos así coma industriais estipula as

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579



Cod. Validación: 995N7ZMTG4YGE26W2SCMMT3QD | Corrección: <https://oporrino.sedelectronica.gal/>
Documento asinado electronicamente desde a plataforma xestiona esPublico | Páxina 2 a 4



Concello do Porriño

seguintes cotas de aplicación:

| | | |
|--|------------------------------|---------------------------|
| Postos para a venda de xéneros e calquera outro na vía pública do núcleo urbano. | | 1.32 €/m ² día |
| Barracas, tómbolas, casetas para espectáculos ou atraccións. | Ata 25m ² | 3.51 € día |
| | Por cada m ² máis | 0.34 € día |

O pago farase no ORAL. Os xustificantes de pago serán entregados no Concello do Porriño ata o día **21 de setembro**.

Non se admitirá ningún posto de venda, barraca, tómbola, caseta para espectáculos ou atraccións sen a debida presentación do xustificante de pago. Prohibido postos de venda e uso de animais vivos.

IV.- DA MONTAXE DOS POSTOS DE VENDA

Art. 1.- O horario da montaxe será entre ás **08:30** e ás **10:00** h.

Art. 2.- Todos os postos han de estar totalmente ubicados e preparados para a hora de comezo das actividades das festas. Non se poderán ampliar os postos con mesas adicionais ou plataformas, toldos, etc.

Art. 3.- Durante o desenvolvemento da festa quedará prohibida a entrada e saída de vehículos non autorizados, así coma a colocación de obstáculos dentro da zona de celebración dos distintos eventos.

Art. 4.- A licenza debe estar exposta en sitio visible durante todo o tempo de ocupación.

Art. 5.- Os servizos técnicos do Concello poderán comprobar que as ocupacións efectivamente realizadas polos concesionarios das licenzas, de ningún xeito excedan os límites destas, tanto no que se refire á superficie como ao tempo de ocupación.

Art. 6.- Os aparellos de feira poderán ser obxecto de inspección polo persoal que designe o Concello en calquera momento durante a vixencia da autorización para postos e atraccións da festa.

Art. 7.- En caso de producirse accidente algún nas atraccións esta/s paralizará/n a súa actividade ata que técnicos autorizados polo Concello garanticen que se reúnen tódalas normas de seguridade para o normal desenvolvemento da súa actividade.

V.- DAS MERCANCÍAS

Art. 1.- Queda totalmente prohibida a exposición e presenza de animais

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579



Cod. Validación: 995NFPZMTG4YGE26W2SCMMT3QD | Corrección: https://porriño.sedelectronica.gal/
Documento asinado electronicamente desde a plataforma xestiona esPublico | Páxina 3 a 4



Concello do Porriño
VIVOS.

VI.- MONTAXE ATRACCIÓNS

Art. 1.- A data da montaxe será os días 19, 20 e 21 de setembro.

Art. 2.- Respetarase en todo momento as indicacións da inspección técnica (ENMACOSA). En caso de non respectarse a Policía Local procederá ao precinto da instalación.

Art. 3.- No recinto de festas non poderá haber ningún vehículo, camiión, etc das atraccións instaladas.

VII.- DOS VENDEDORES

Art. 1.- Unha vez rematadas as festas, **na noite do martes 04 de outubro**, todos os postos de venda deberán estar desmontados e o seu recinto limpo.

Art. 2.- A organización así como a Policía Local e Protección Civil do Porriño velará polo estricto e riguroso cumprimento das presentes bases.

Así o manda e asína dixitalmente no Porriño, na data indicada na marxe.

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579



Cod. Validación: 995NPZMTG4YGE26W2SCMMT3QD | Corrección: <https://porriño.sedelectronica.gal/>
Documento asinado electronicamente desde a plataforma xestiona esPublico | Páxina 4 a 4